

АССАЛАМ

assalam.ru


НА ЛАКСКОМ ЯЗЫКЕ

БУСУРМАННАЛ РУВХІАНИЙССА ККАЗИТ

№ 03 (87) март 2009-шин / Кказит буккайссар зуруй цал / Рабиоль-авваль 1430-шин. Багъа 15 къ.

ИДАВСТУРАЛ ТАРИХ


МухІаммад Идавсил оърмулиясса суаллу






Ас-Салам-фото

Дайдихъу хъхъичіми номердай


– Маккалий уни Идавсил  хъунмур къулагъас ссах диркіссар?


– Идавсил  личінура къулагъас диркіссар иман цирив тайлану бувчингу, лахъхингу баврих, циняв ливтлцири Къиямасса къини уттава буккан бантлшиву бувчин баврих, инсантал къанчурдийн иман дишаву къаритан бувну, Аллагъ ца акъа цама акъашиврий мукІру буваврих.

– Ціуну ислам къамул дурминнал чулухуннай цукунсса цукунсса политика нани дурну ивкіссар Идавс ? Бусияра мисал бувцуну.

– Идавс  ціуну ислам къамул дурминна хъншиврий ва хІурматрай уруглай ивкіссар, ми хъиннува исламрачІан кІункІун тІуншиврул. Масалдаран, Таифрая зана ивкІукун, 15 гъантлий Идавс  Джаъранат тІисса кІанай ивкіссар, ціуну ислам къамул дурминнайх

сахаватну бутІа-бачІугу буллай. Абу Суфъян бин Харблун ва мунал арсавран Муавиян ва Язидлун буллуссар 100 варани, мусиягу бутІа бувссар чумартну. Мукунма бутІа бувссар дин цаакъ хъун дураминнан, ливчІмур дарчІуссар асхІабтурайх.

– Цукунсса къяйдартту ишла дуллай бивкіссар Маккалал мажусихъул, агъали Идавсил  тІутІимунія махъаллил буваншиврул?

– Мажусихъул бюхъай-шай буллай бивкіссар агъали Идавсийн  вих хъун къабитлай. Ми бивкіссар му щяйтІантравухсса мальоънни ягу бакІрал авлиямари тІий. Ялагу ми бивкіссар Къуръандалий бусса так грекнал ва парснал маърир, мифрур тІий ягу му Идавсил цала ляхъан бувссар тІий. Ислам дин къамул дурми батлай, миннай зулмуду буллай бивкіссар мажусихъул.

»5

ИСЛАМРАЛ ЭЛМУ


КІулминнан дакІнин бутанну,
КъақІулминнан лахъхъин банну
Абузу биллагъи мина щайтІани р-ражим
Бисмиллагъи р-рахІмани р-рахІм

Бусурманнал дин


Бусурманнал диндалул буссар шанма гъану:
Иман. Ислам. Сунна

Иман – Аллагънайн вихшаву ва вихшаврил шартІру.

Ислам – гъанусса яла чанми буржру, хІакъсса бусурманчувнал чара бакъа биттур бан аьркинсса.

Сунна – бусурманчувнан ялунгу бувну хъинмур. МухІаммад Идавсил  цалагу байсса бивкісса, цайминнал барчагу хъинну рязий шайсса ивкісса.

Иман

Иман – вихшаву, МухІаммад Идавсил  Аллагъу Тааъланаяту баян бувмунин, КІанал увкумунин. Имандалул дуссар ряхра аркан.

1. Вихшаву Аллагънайн.
2. Вихшаву КІанал малаиктурайн.
3. Вихшаву КІанал луттирдайн.

Бусурманнал дин




Ас-Салам-фото

4. Вихшаву КІанал идавстурайн.
 5. Вихшаву Къиямасса Къинилийн.
 6. Вихшаву къадарданійн, оьккісса бунугу, ххуйсса бунугу, Аллагънал биялдарайну хъанахъи шиврийн.
- ХІакъну Аллагънайн виххъусса бусурманчув, щак бакъа, вихну икІан аьркинссар Имандалул ряхрагу арканнайн, царагу лях гъан къариртун.

Ислам

Ислам – биттур баву Аллагънал биттур бан ккаккан бувмур ва уручаву Аллагънал уручин ккаккан бувмунія. Исламрал дуссар ххюра ттарці. Мигу хъанахъиссар бусурманчувнал яла агъамсса, яла гъанусса буржруну.

1. Шагъадат – дакІ дарцІусса барашиву Аллагъ ца акъа цама акъашиврий ва МухІаммад  ушиврий КІанал гъан увма, лахъхъин дан инсантурал хІакъсса дин.
2. Салат – бурж бушиву гъарца къини ххюва (фариза) чак бан.
3. Савм – бурж бушиву рамазан зуруй зума дугъан.

»5

Ва номерданій:

2	ЦИУССА ХАВАРДУ	3	ШАРИАЪТ	4	ЧИРИЛУНССА ДАВУ	6	ДИННАЛУУ ХЪУЛУИХ	7	ИСЛАМ ВА МЯЪРИПАТ
	Альимтурал мажлис		НасихІатуль аьвам		«На вин ххуллу тІитІлай ура...»		Ислам - му хъинну куртІсса элмур		«Аллагънайн мукІру-мур ягу Иблислуйн мютІимур?»
									

ЦИУССА ХАВАРДУ

Альимтурал мажлис



Ассалам-фото

Февраль зурул 7-ний Къизилюртуллал райондалийсса Нечаевка тисса шяраву хъунни гъарца зурул цалчинмур ххуллун къини шайсса альимтурал ирглийсса мажлис.

Нечаевка шяравалу машгъурну дур микку хъунасса шайх Меселасул Мухаммад-апанни аль-Хучади (1909–

1987) яхъанай иклаврийн бувну. Му ивкссар хурмат хъунмасса шайх Чирклайнал Саид-апаннинал муршидну (насихатчину).

Мажлисрай ихтлатру бувна динчитурал-альимтурал, республикалул муфтийнал хъиривчу **Ахмед-хаж** **Махаммадовлул**, Унцуклул райондалул имам **Мухаммад Абдулгъапуровлул**, Буйнакскаллал имам **Абдулкарим-хаж** **Махаммадовлул**, «Нуруль-Ислам» кказитрал хъунама редактор **Мухаммад-хаж** **Хажиевлул**, ДУМД-рал канонический отделданий каялушиву дуллалисса **Мухаммад-хаж** **Махаммадовлул**, С. Абубакаровлул цанийсса фондрал председателъ **Хасмухаммад-хаж** **Абубакаровлул** ва м. цайминнал.

Цала ихтиллатирттаву миннал гъаз бувна агъамсса масъалартту: оьрчру исламрацун бавкуну тарбия баву, тайлану чак баву ва дуьрду дуккаву, ДУМДрал экспертний Советрал давурттивххал дигъаву.

Жул. корр.

ДАГЪУСТАННАЙ

Брейн-ринг



Ассалам-фото

Март зурул шамунний **Махач-къалалив**, **Теологиялул** ва **дуниялул халкъуннал дъанивсса арардал институтраву хъунни Рабиюль-авваль зурун хас дурсса мероприя-тие.**

Мунил ляличиву дия интеллектурал викторина «Брейн-ринг» къяйдалий му ингилис мазрай най

ХИАМИС

Цала оьрчлан
Исламрал
гъанурду лахъхин
къабуллалими
Дужжагъравун
багъантимири

душиву. Викториналий гъурттушинна дурна лингвистикалул, экономикалул ва гуманитар элмурдал факультетирттал студенттурал. Миннал ингилис мазрай ккаккан дурна Мухаммад Идавсил оьрмулиясса килушивуртту. Тамашачитурангу личи-личисса конкурсру хладур бувну бия. Конкурсрай гъуртту хъуминнан ва ххув хъуминнан дуллауна бахшишру.

Мавлидру, нашидру учайсса машгъурсса балайчи Гамзалав Гамзаловлул увкуна аьраб мазрайсса цюсса нашид. Мероприятие хладур дурну дия институтрал ингилис мазрал кафедралул.

Islamdag.ru

Москвауллал мизитрал
цюсса комплекс

Марокколиясса архитектортурал группа бувкунни Москвалийн, Москвауллал Соборный мизитрал цюсса комплексрал цаламур даву-концепция ккаккан дуваншиврул.



Марокколул паччахI Мухаммадул VI Аьрасатнал муфтийтурал Советрал бакчинахъхъун маслихатрайсса махъ буллуссия Москвауллал мизитрал комплекс цубуккан бан ка-кумаг баншиврул цала паччахIлугърая опыт бусса устартал бувуну учлан. Аьрасатнал муфтийтурал Советрал бакчи Равиль Гайнутдиннул, цала заместителтал, архитектортурал ва строительтурал коллективгу бавтуну, ххал диргъунни Марокколиясса хъамаллурал кон-

цепция. Ми концепциярттугу хъинну хъирив лавну ххал диргъуну къамул бантий дур цюсса комплексрал давурттал хлакъиравусса хлукму.

muslim.ru

Бусурманнал
лаххиялул
дизайнертурал конкурс

Март зурул 20-24-ний Къазаннай хъунтиссар бусурман модалул дуниялул халкъуннал конкурс «Islamic clothes». Му конкурс хъунтиссар жагъилталгу, жяматгу исламрал культуралучлан, хасну бусурман модалул сфералуву цюсса тенденциярттачлан кIункIу буваву мурадрай.

Татарстаннал республикалул ДУМ-рал сайтрал баян баврийн бувну, конкурсрал бур цамургу агъамсса мурад – дуниялул халкъуннал дизайнертурал – профессионалтурал дахлаву цакъ даву мурадрайсса шартру хIасул дуваву, Европанал, Азиянал, Африканал модалул дизайн лахлахъисса студенттурал арарду цакъ дуваву.

Конкурсрай гъуртту хъуминнаща бюхъантий бур цала пагъму ккаккан бан текстильданул ва янна дуруххай



промышленностьрал цанихсса специалисттуран – устартуран, цадурк дарзитуран, дизайнертуран ва миннаяту лахъхин бусурман модалул аьнтикIашиврул дарсру.

Конкурсрал гран-прилун дулунтий бусса бур 30 азарда къуруц – яла ябацанмур костюмрал коллекциялул авторнан.

Ххуй-ххуйми коллекциярду ккаккан буван дакIний бусса бур «Слава Зайцевлул модалул къатлуву», Москвалий.

ПаччахIлугърал
архитектурал
музейравусса «зикр»

Февраль зурул 19-ний А. В. Щусевлул цанийсса ПаччахIлугърал

АБРАСАТНАВУ

архитектуралул музейраву хъунни дагъусттаннал художник Аладдин Гъаруновлул выставка «Зикр».

Выставкалул сиптачитал хъуну бур Аьрасатнал культуралул исламрал центр ва исламрал журнал. Му дагъусттаннал художникнал цюсса проект дур.

Мунал творчестволийн критиктурал «дагъусттаннал поп-арт» учай, мунайн цаймарив – «мусульманский Бойс».

Аладдин Гъарунов Къуругъиял райондалиясса ур, му ур Дагъусттаннал цанихсса художник, Мокавулла ттизаманул искусствалул кIилчинмур биенналеул участник, мукуна таманса выставкардай гъуртту хъусса, цю-цюсса темарду яч дуллан ххирасса, хаснува бусурманнал культуралул тема цала творчествовалу хъхъичунсса художник.

Islam RF.ru



ДУНИЯЛУЛ ГЪУНТУЙ

Му конференциялий хъунасса имамнал элмулул агъамшивриясса ихтиллатру хъуну бур. 2008 шинал Таджикистаннал президент Эмомали Рахмановлул хлукмулийн бувну, 2009 шин ккалли дурссар ханифитский мазгъаб хIасул дурсса хъунасса имамнал шинну. Мунин бувну гъашину Таджикистаннай имам Абу Ханифал рувхIанийсса ирс-ххазина лахлахъисса, мунал мазгъабрая бусласисса цаймигу мероприяртту хъунтий дур.

Islam RF

«Авеста» тисса информациялул агенстволийн чул бившуну

Клубран цIа даххана
дан бувссар

Дурагу къадаркъусса, лайкъ дакъасса цIа дусса, «Мекка» тисса ночной клубрал цIа даххана дансса хлукму бувну бур Киеврай, бусурман агълу клубран «Мекка» цIа диза-рийн къарщи буккайхту.

Шагърулул администрациялул бакчинал хъиривчу Сергей Рудыкулл бувсунни, шагърулул властирдал хIасавравун лавсушиву бусурман

агъулданул рязий бакъашиврул хIучча ва миннал диндалул хIурмат бувну клубран «No name» тисса цIа дизла-зишиву.

«Бусурманнал мубараксса ххазинардал цIарду дялахъурду дайклубран ва мунихава лавхъхъусса кIинтурдан дизлазаву – му ца Украиннал бусурман агълу бакъагу, щалла дуниялул бусурман сан къабуллалаву», – укун чивчуну бур бусурманнал шагърулул администрациялийнсса аьрзираий.

Миннал шагърулул хъуниминнан аьщуйн цуну бувчин бувну бур Макка – дунияллийцири бусурман хIажлийн

батIайсса мубараксса шагъру бушиву, исламгу клубирттал культуралия хъинну архсса, миннува хъанахъимунингу къарщийсса дин душиву.

Islam RF

Украиннал «сегодня»
кказитрая

Имам Абу Ханифа

Таджикистаннай, Душанбелей, «Кохи Вахдат» тисса ПаччахIлугърал комплексраву хъунни имам Абу Ханифан 1310 шин шаврин хас дурсса республикалул конференция.

ИДАВСТУРАЛ ТАРИХ

Мухаммад

Идавсил

Оьрмулиясса суаллу

1 « – Бусияра кьурайштурал цукунсса маслихат буну бивкссар Абу Талиблун ва муналгу цукунсса жаваб дуллуну диркссар?

– Кьурайштуран члалай бивкссар цала Абу Талиблун тлутимур ссайнчлава кьабуклай бушиву, му хьхичлава куна Аллагьнал Илчинацун кабакьу буллай, мунал чларав ацлай ушиву. Ци бусларчагу кьурайштал, Абу Талиб миннал тлутимуних кьулагьас кьа-

мунахлу ва оьвхьусса, авурсса жагьил уллай буру!»

Абу Талиблун увкуссар: «Аллагнайн хьарашав, кьахуйсса маслихатри му зул. Лажиннича зул тамахи бурив на ттула арс зухьхун ивчан улунссар, мунахлугу тарбия анцама кьамул уванссар тлссса?! Аллагьнайн хьарашав, тачлава кьадувайссар на мукунсса тлу!»

– Аллагьнайн вих бакьулт цукунсса хикматру тлалав дуллай бивкссар Идавсия ва, циванни мунал ми тлалавшиннарду щаллу кьадурсса?

– Аллагьакьулт тий бивкссар Идавсикъ: «Жун аьрщи чанну дур, щингу чанну дур, оьрмугу захиматсса бур. Ина уча вила Залнахь, вай зунттурду жуяту арх буну, шикку Шамлив ва Иракьнаву куннасса нехру хьун дува куну, жула ттаттахьяклия сагьува куну. Миннавагу ца икьлвча Кусай бин Килаб, му тлайлашиву ххирасса ивкьлунтлий. Жу цлуххинну мунахь, инажунналахьхьин



дуллай ивкссар. Кьурайштуран бивкссар цала уссил оьрчан кумаг буваву мурадрай Абу Талиб цацала кьарщийну уккангу махьаллил хьанай акьашиву. Миннал хлукму бивссар Абу Талиблун ца маслихат буван.

Кьурайштурал жагьилтурава ца яла баклрал ххуйма Имар ибн аль-Валид личи увну, мугу увцуну бивкссар Абу Талиблунчлан. Миннал увкуссар: «Я, Абу Талиб, уча ва жагьилча, ванал маслихатчи, кумагчи хьу, ванан ппушиву дува, ванахлу жухьхун ула вила ппухьлуннал диндалия махьаллил хьусса, инсантал куннащал ку ххаххан бивсса уссил оьрчи.

Мунал жул пикрирду пайганмарсса бур куну дащуй бивхьунни, му вилгу, вил ттаттахвал диндалулгу муттаэ хьунни. Ула му жухьхун, жу му ивчанну,

дуллалисса дин тлайлассарив куну. Мукунма чла уча Заннахь, винма багьру, чальаьрду, арцумул луртанну дула куну. Агар ина жу тлмур барча, жу вих хьунну вийн, мютлийну имангу дишинну вийн».

Идавсил увкуссар: «Ялувманал ттун дуллунни зу тлалав дуллалимур цимурца. Амма на битлатиссара зу язи бугьан: я зулла тлалавшиннарду щаллу даву, ягу зу рахматрачлан буцаву. Зувату цуманан чай бурив ттуйн вихшала дишин, дишинтиссар. Яла бугьан битлай ура зунма ччимур ххуллу. Амма Аллагьнал ттухь ялагу увкуссар, агар зу ттул дин кьамул кьадарча, халкь льявхьуния мукьах тачлава щинчлава кьабувсса куццуйсса танмихру буванна дин дакьултран куну. На язи бугьлай ура рахматрачланмур ххуллийх зу буцаву». (Гухунмайгу буссар)

ГьалатI бакьин баву

Гьашину февраль зуруй бивксса килчинмур номерданий «Мухаммад-идавстурал мугьру» тлссса макьалалува (арийлчинмур лажиндарай) гьалатI итхьявххун бур «Буттан ца диркун дур Аьбдуллагь, ниттин – Аьшиат» тлссса ххуттаву. Буккин аьркинссар тлайлану, «...ниттин ца – Аминат» тлий.

ШАРИАЪТ

НасихIатуль аьвам

Ибрагьимлул арс Кьурбанаьли
ГлунчIукьатIатусса

Дайдихьу хьхьичими
номердай

Акбарданул, кьаматрал ххирашиврул, акбар учайманал адабирттал баян.

Парийзасса чак булланин хьхьичи, чаклил члун дуркьлукун, акбар учаву ссуннатссар. Хлатта парзу-кифаяр тлийгума бур цаннал кьачирча цинья бунагьралун багьайссар тли. Му цуппагу Идавс Маккали уна дин-ислам цаьк хьуннинма тий бивкссар. Загьирсса бусурманшиврул аьламатирттаятур мугу. Му учайманан мунил даражагу, чиригу хьунмассар. Мунал «Аллагь-Акбар» увкукун ссавнил алжаннул хьулурду тлитайссар. «Ашгьаду ан лаилагьа иллагьа» увкукун алжаннул хлурулъэнтал чюлу шайссар, мукунма увкукунгу. Мува «Акбар!» тий бивкьмий кьиямасса кьини гьаттаватугу «Акбар!» тий бизантиссар. Кьиямасса кьини алжаннул лаххия Идавстурал хьирив миннал лаххантиссар. Ссиратрайх лахьайний ттеркьюкьы – якутирттал чюлу бувсса дучри биклантиссар ми буртти биклан. Минная ца-цаннал нурданувух азара адамина, азарда щарсса нантиссар ссиратрайх. Гьарцанная шапаат мукьцалазаруннайн биянтиссар. Кьиямасса кьини Билаллул (р.аь) ца вариантуйн лавхьун Акбар учинтиссар. Яла мугу, цайми салихьсса мудунталгу, Идавстурал хьи-

букланссия. Ялагума имамшиву дурмананнир мунал даража хьунмассар тлийгума бур. Чявуссаннан члу бавну мюнпат хьунмасса бунутий.

Акбар учайсса адаминагу бусурмансса, аькьлу бусса, бурхьнисса, члунну клулсса икьлан аьркинссар. Чапурчунал, пасикьнал, авлиянал, щарссанил, члун кьакьлулсса инсаннал, хьиннува чливисса, аькьлу тамиз бакьасса оьрчлал Акбар учин кьадурусьссар.

Балугь хьусса икьлаву, члу ххуйсса, хьунмасса икьлаву ссун-



Ас-Салам-фото

натссар. Хлатта, члу ххуй бакьасса ивкссар мундуннир члу ххуйсса, лахьисса ужралух ивтсса мундун хьинссар. Чаклил члун кьадуркьина учин кьабучиссар. Чаклин кьаивссуна учавугу карагьатссар. Чаклингу ивссу-

«Хьуннасса Аллагьу Тааьлантайн барчаллагьрай биклгьира, зухьхьуна Ислам лахьхьин, дурчлун дуллансса сант дулаврихлу, циван чирча, дучлантиссар члун Исламрая щинчлава ва щихьчлава буслан кьабагьантисса»

Муфтий АхIмад-хIажьи Аьбдулаев

рив гьазийтурацал алжанна-вун буххантиссар. Акбар тий бивкьлукун ссавнил хьулурду аьрцарайн бияннин тлитайссар. Мува Акбарданул члу бавну чакру бивцириннал чирирдукьсса, му увкунангу биклайссар. Мунил члу бавсса гьарца задрал инсан икьлу, жин бикьлу, жанавар бикьлу, аьрцичару бикьлу, цимурцаннул мунал барашинна дантиссар кьиямасса кьини. Хлатта чапуртуралгума дантиссар, иблис бакьацириннул. Мури Акбар тлун бивкьлукун члекьгу тлий, мунил члу кьабаян лихьайссар зувира майлданул манзилдани. Хлатта ххьюва Акбар Аллагьнахлуну учирча, мунал цинья бунагьирттал аьфувайссар. Хласил мунил даражагу чиригу халкьуннан клулссания, на учинна тий ца, на учинна тий цама турдай

ну, мизитрачлан гьанну, лахьсса кланайин лавхьун, кьиблалин лажинну авцлуну, вичлаву клисригу бивхьуну, члугу ххуй буну лахьну, чявуссаннан баянну учаву ссуннатссар. Минаралул лагма уклай учингу бучиссар чявуссаннан баян баншиврул. «ХIайя аьла ссалат», учайний урчламур чулухунай, «ХIайя аьлал фалахI» учайни киямур чулухунай уругавугу ссуннатссар. Луялу акьацлай учинссар. Дянив цамур калам бангу кьабучиссар. Ашгьаду ан лаилагьа иллагьа гу, ва ашгьаду анна МухIаммадан Расуллагьгу ца-ца мукьийла учаву ссуннатссар. Кийлва хIаллих, кийлва оьвкуну. Акбарданул члу бавманалгу му хьун буну, хлурмат буну муних вичли дишаву ссуннат-

ХIАМИС

Зуватусса яла хьинма – бунагь байхту гацлана пашман шаймари

ссар. Хлатта муних пикри бакьашиву дурну, вичли кьадирхьуну, му тлий уна ихтилат дулларча, мунава иман дуккаврия ниьг дуссар. Мува Акбар тлиманах уругун, мунал увкумур учингу ссуннатссар. Амма «ХIайя аьла ссалат», увкукун «Ла хIавла вала кьуввата илла биллагь» – учинссар. «ХIайя аьлал

фалахI» увкукун – «Ма шааллагьу кана, ла хIавла вала кьуввата илла биллагь» – учинссар. Кьюрххил Акбарданийгу «Ассалату Хайрун мина ннавми», увкукун «Садакьта ва барирта я Расуллагь» чинссар. Му увкуну махь увкунал бикьлу, вичли дирхьунал бикьлу ссалаватту дуртун, «МярхIабан бикьаилина аьдлан, мархIабан биссалати агьлан ва сагьлан. «Аллагьума, рабба гьазигьиддьявати ттамати, ва ссалатил кьаймати ати МухIаммаданил василата валь фазийлата ва ддаражата ррафийаьтал аьламина, вабаьсгьу, макьаман мяхIмудани ллази, вааьдтагьу, варзукьна, шафааьтагьу, явмал кьиямати, иннака, ла тухлифул миаьда» гу увкуну. Шамилва «Аллагьумма заввижни минал хлурилэни» гу учинссар. Хлатта Акбар тлссса адаминал хьхьичи хлурулэнтал бацлайссар, мунах буруглай, му учиннин. Акбар увкунал бикьлу, бавнал бикьлу му дуаь дуварча миннулгу дуаь дувайссар. «Я раббий, жу мунал нясив ба» куну. Дуаь кьадарча куннил куннихь ва жуйна хIажатну акьар куну, клура бавну лагайссар.

Мува Акбарданул мяьнагу, тафсиргу, му учаврил мурадгу клул бангу ялувссар, мунил гьарца калималун загьрийссагу, батлийнйссагу мяьна, мураа буссар.

»4

ЧИРИЛУНССА ДАВУ

«На вин ххулла титлай ура...»

Декабрьданий Гъумук хъунни Джаматран хавар къавхъуну ливчсса иш-Гъухъаллал хлатталливсса зиярат бай къатта цубуккан бувсса къулгъу ва зикр. Ва бусравсса даву дурсса эбадатраин бувкун бия шагърулиясса хъамалгу.

Къурбан КЪУРБАНОВ

Эбадат дайдишиннин, зиярат бай къатта бакъин бувминная буслай, Гъумучиял администрациялул бакъчи Апанни Макъаевлул кичицлавгунни, цахъва Ражав Идрисовлул бувсун бивкшиву, ва къатлул магъи цудан пикрилий ушиву. Яла, цацлана му къатта бакъин бансса къасттирай Тагъир Къаллаев учлайхту, Апаннинал мунахъ куну бур, му бакъин бан ччай Ражавгу уссия, ганачлан лавгун, маслихлат ккаккяра, куну. Ми киягу хлалабувххун, ва ххуйсса даву дурнутлий, Апаннинал миннан чакунни му чирину тайладацлаву ва Гъумучиял жяматралгу, цалагу чулуха Тагъирдухъ ва Ражавлухъ барчаллагъ кунни.

Хъирихъ ихтилат буллау, Р. Идрисовлул бувсунни, Тагъирдушал цува оърчанияцава дусну ушиву, Къаллахъал тухумгу ххуйну клушину, му марцлсса, тайласса, захимат байсса инсантурал тухум бушиву. Ванал кичицлавгунни, къатта цубуккан бансса циняр давуртту дурма Т. Къаллаев ушиву, цала цичар къадуршиву ва мунахъ цала чулуха хъунмасса барчаллагъ кунни.

Гъухъалив яхъанахъисса Гъуйятусса Жабраиллул бувсунни, махъпурттувсса дяркъусса члумух къабурвгун (махъсса гъан-



трай, мяйжаннугу, гужсса миклачру дия) зий, Тагъирдул ва мунал уссу Анвардул хлатталливсса къатлул къуппагу бивхъуну, магъиу ларкъушиву.

Ихтилат бунни Гъумучиял хъун мизитрал имам Мухаммадлулгу, кичицлавгунни, Аллагънал мукунсса пикри дакнивул бавкъун, Тагъирдул дуршиву цала чулуха, цала захиматрай ва бусравсса даву.

– Къатлувусса чарий дурсса чичрулийну чалай бур, шиву увчусса Хлажи-Ахлмат ивкшиву нахъшбандиял тарикъатрал цайх, – укунни ванал. Ванаяту цалса цичлав клул бан къабювхъунни. Чичрулин бувну, ва ивкуну ур хлжралул 1306 шинал, му хъанай дур 1882 шин. «Гъухъалиясса Мухаммадлул арс Хлажи-Ахлмат» – тий чивчун бур чарий. Мунал ччаннаву бившумур чарийгу чивчун бур, «щайхнал кулпат Сайида Написат», – тий. Чалай бур, ми бивкшиву Аллагънан ххирасса инсантал. Лакрал бивкссар щайхтал, алимтал, гайннал царду гъаз дуллау,



Тагъир Хлажи-Ахлматлул гъаттай цала бувсса къатлуца ва щайхнал гъаттайсса калазуручла

лаклайн барачат биянтлссар. Аллагънал куну бур: «Ттун ххирами зугу ххирану бикляра», – куну. Ва Хлажи-Ахлмат увчусса клану, инсантурал шиккун зиярат буллан, бакъин бавугуганан хлурмат буллалисса, Аллагънан дак дакынссса, хъунмасса чире бусса, лакрал аърщарай барачат бешин савав хъунсса даву хъанахъиссар. Жула дянива гихунмайгу букканнав ва кунмасса цаймигу инсантал.

Хлажи-Ахлмат увчусса кланайн зиярат бан бувкминнащал имам Мухаммадлул бувккунни Къурандалул сурарду, хъирихъ цинявннал бивхъунни зикри, дунни дуаъ.

Ттун дакниий бур, ваниннин ххюра шинал хъхичл, Къюннухъал Шамилхъанний щябивкссса кланай Тагъирдул бувсуна, цува ччай ушиву Хлажи-Ахлматлул гъаттайсса къатта, ххуйсса тагъарданий бакъатлий, къатлух кляла чарил чира бувну, бакъин бан. Га члумал жу, кляла чарил барча, ганил хъхичларасса члалачин зия хъунссар куну, мунал къаччангума бивклуна. Вана утти, ххюра шин ларгун махъ, ванал цала къаст баклуин дуккан дунни. Укун буслай ур Тагъир Къаллаев ва иширая:

– Дуклу майрал 12-ний на уссияв Нижний Уренгой шагърулия 150 километралул ухсавнил чулухунмайсса, сайки Северный Ледовитый океандалучлан биявайсса кланайсса Пангоды шагърулий. Кийх гъантта ивкссса кланай ккарккунни макл: ца ссума-лахъисса хъунбакъасса къатлуву на ура нузачла кланттуу щяивкун, архмур чирачла дивандалий (ягу лахърулий?) щябивкун бур Миясат Щурпаева. (Ва циванни учирча, Тагъирдул клулу бивкун бур ванал лакрал хъхичлвасса диндалул инсантурая «Илчи» кказитрай чичайшиву. 2008 шинал ахирданийгу «Илчилул» клива номерданий М. Щурпаевал чивчун буссар Тагъирдул Карашрал хлатталлив бувсса Шяпи-Мяммал гъаттайсса къатлуя ва 1958 шинал накълу хъусса га мубараксса инсанная. Ганаясса хлччарду клул бан Миясатлул кумаг буллау Тагъир цува занай ивкун ур. Га къаттагу Тагъирдул, жяматралгу хъунбакъасса кумаг бувну, цала арцух, цала захиматрай бувну бур). Мукул маклра щяивкун унува, нуз тирилу, увххунни Хлажи-Ахлмат, ттухгу урувгун, укунни: «На вин ххулла титлай ура кла зиярат бан». Му караматсса макл ккарккун махъ, тихун лавгун ляркъусса 100 азарунния лярчусса къурушрах машан лавсъсса «Газель» Гъумук ттучан бусса ца инсаннал бавххуну, мунаща хъумур ласлай харж дуллау, зума дугъул зуруй зий, бав га къатта.

Га бия чиртту хъа куну, магъи тирилу, чирайн щин дагълай, зия хъуну. Махлчкъалия ттула буттал ссурахъу, строитель Махлмамат-Хлажи Хан-Махлмаматов увцун увкун, урган увссия, га цукун бан бурив. «Рестоврация дан шайсса куццуй бакъар», – укунни ганал. Мунияту, гъануцакул щала зевххуну, 18мм. арматурагу дирхъуну цусса гъанурду бувтлссар, яла силикатный калпушрай чиртту буссар, лувгу, ялувгу сейсмопоясругу дурну. Цусса тахталлий магъи, цусса нузру, члавахъулу бувссар, щявгу бетон бувтлссар. Къуппа байсса куц къаклулу, мухал даву дайсса ттула уссу Анвар лавгун, мизитиртал къуппарду байсса гъуйричувначлан, ганал цукун буллау урив урувгун, 4х2,5см. дусса мухал профилъданий хахгу бувну, цала бунни, мухал магъиу цала дирхъунни. Вихгу, къатлуху чирттал штукатурка дан бувцуссия больница буллау зузисса ярусса. Клайннал 1,5 къини зий, къуртал дунни.

Ва буллау айишиннин, Апанниначлан лавгун, ттула маклгу бувсуну, учав, га бан ччай ура, куну. Имам Махлмаматлухъу учав. Апаннинал кунни, Ражавгу бан ччай уссия, ганачлан лавгун, цитлий урив ххал ува куну. Ражавгу ттула дусри чивинияцасса. Ганачлан лавгун, маслихлат ккаккав, бусав ттула макл. Ражавлул кунни, цува га къатлул магъи дишин ният дурну уссияв, ина му даву дува, магъухсса арцу на дулуна, куну. Жу ва даву дуллау, Гъумуксса инсантурал личлисса къулагъасгума дакъая. Ца Гъуйннал Жабраил учайва урган, цлуху-бусу бан. Бухмур чирал чару саргунну гиккува чларав бивхъун буссар, аъркин дакъасса аърци-чару, цинци, ттула чивимур машина «Газель» буцлай, экидичлай, шанна рейс дав.

Тагъир - авадан инсан акъар. Ва ур, ппу Аппасгу (Гъумук онорай инспекторну зий иклайссия) ччяни яла лавгун, мукъа уссицал цала захиматрай цанма ччатл хлалану ляхълай хъуна хъусса, духлин дусса, марцлсса, арцул зия къаувсса инсан. Ванал дусса хъус – «КамАЗ» ва «Газель». Ччатлгу вай машинардий зий ляхълай ур. Ци аъркиншиву дуссар ванан, цала захиматрай ляркъусса ттуршазарахъул къурушру харж дуллау, Аллагънан ххирасса валитурал, щайхтурал гъаттай къатри буллан, гайннал рухлрдан хлурмат буллан, чирилунсса давуртту дулан? Хъунссияхха ванацагу, цайминнаца кунма, дазул къатлаллил джиггу лавсун, пахрулий муний занан. Иман думанан ванал дакнииймур бувчлайссар. Иман дакъаманан бувчин буллау къабувчлайссар.

ХИАМИС

Инсантуран
инава ххира хъуну
ччарча, хъус-
къинилул хъирихъ
маагъара

ШАРИАТ

Насихатуль
аъвам

1 « Му учаврил мурад халкъуннайн оьвтий клул буллалавур чаклил члун хъушиву. Масала: Мудуннал Аллагу Акбар увкукун мунил мяъна – тафсир – Аллагу хъунассар, лавайссар, мунал аьмаллану-хун машхул шияра, дуняллу-хун машхул шаву къаритияра тлссар. «Ашгъаду ан лаилагъа илла ллагъ» увкукун «На Аллагу цувалу ушиврий барашинна дувара, Аллагънал зухъ амру буллау ур, зу мунал амрулул хъирихъ бачияра. Аллагънал бакъа зун мюнпат къабантлссар мунал бакъа, мунал аьзавраягу ххасал къабантлссар» – тлссар. «Ашгъаду анна Мухаммадан Расулуллагъи» увкукун – «На Мухаммагу (с.а.с) Аллагънал идавс ушиврий барашинна дувара, зучлан тайла увсса, зу иман дишин мунал зухъ амру буллау ур жямат бара тлий, зу мунал амрулул хъирихъ бачияра тлссар. «Хийя аьла салат» увкукун – чаклил члун хъунни. Зу анавар буккяра жяматрай чак бан, члун дукканнин тлссар. «Хийя аьла фалахл» – увкукун, Аллагу Тааьлал чак бувсар зува аьзаврая ххасал шаврин, алши бушиврун сававну. Му ххасал шаврингу, алши бушиврингу чялишшиву дара, аьзаврая ххасал хъунтлссар. «Аллагу Акбар, Аллагу Акбар» увкукун – Аллагу хъунассар, лавайссар, зу мунал аьмал махъун мабутару – тлссар. «Лаилагъа илла ллагъ» – увкукун, зун клул шара Аллагу цувалусса, цама шарик акъасса ушиву. Зу зула чакругу Аллагнахлуну марцину бувару тлссар. Шяраву, шагърулий клива-шанма мизит бухурча, гъарца мизитирттай оьвчавугу ссуннатссар. Мудунтал, Акбарду чявуссаксса баларду, микру чанссар.

Авлахърай, къатлув, ххуллий, чак байний учавугу ссуннатссар. Ца цувалу ухъурчагума Акбаргу укуну, къаматгу укуну цувалусса адаминал авлахърай, къатлув чак барча Машрикьраингу, Магърибраингу дирсса малаиктурал къюкьа хъирихъ дацайссар мунал. Акбар къаувкуна, къамат укуну барча цалвану бувсса чак шайссар. Хласил, му Аллагнайн клура баера тлсса оьвчавур, ххирасса, ххуйсса махърур, ххирасса эбадатгур.

(Гихунмайгу буссар)

ИСЛАМРАА ЭЛМУ

1 « 4. Закат – бурж бушиву мискин кьариднан булун вила хьуслия ккаккан бувсса бутла, хьуслих бурувгун.

5. Хлаж – бурж бушиву ккаккан дурсса члумал цала оьрмулий цалагу Маккалийн гьан (духьурча цуллушиву ва каши, ххуллурдугу нигыачийсса бакъахьурча).

ИхIсан

ИхIсан – дакIнил куртIнива мукIруну бикIлаву Аллагьнан жува чIалачишиврий, жула чIу баллалишиврий, кIулшиврий цинявпагу жула бакIравусса пикрирду, жуна КIа чIалай акъанугу.

Шагьадат

Шагьадатралли личий айсса бусурманчув чапурчувная.

Шагьадат – Ашгьаду Алла илагьа илла ллагь ва ашгьаду анна МухIаммада-р-расулуллагь.

Мяьна: На барашиву дуллай ура акъашиврий зал цама Ца Аллагь акъасса ва ялагу барашиву дуллай ура мяйжаннугу МухIаммад ушиврий Аллагьнал гьан увма.

Ашгьаду – на барашиву дуллай ура (кIулу, щак бакъа мукIруну, дакI дарцIуну вихну, щилчIав гуж къабувну)

Алла илагьа – акъашиву Зал (хIакьну цан икрам буллан аьркинсса)

Илла ллагь – Аллагь акъасса (Цувалусса, Цангу икрам буллан аьркинсса, Цал дакъасса чIумул ялагу цамунил дазу-зума, ссахчIав ягу щихчIав мюхтажну акъасса, щихачIав вассахачIав къалавхьусса, ЦачIанивсса цучIав акъасса, гьарца бюхьулл Заллу, гьарзад КIулма, гьарзад ЧIалачима, гьарзадрал чIу Баллалима, гьарзад ляхъан дурма, думунил Заллу, Цал амрулийну гьармур хъанакъисса, Цан къаччай цичIав бан къашайсса, Цала цIимилул хъуншиврул инсантурачIан идавстал гьан бувсса гай тIайласса ххуллх бачин бан, Цугу усса махърамахъсса Кьинилул – Кьиямасса Кьинилул Хъунама – та абадлийсса оьрмулул хьхьичI гьарцаннал жаваб дулайсса Кьинилул ПаччахI. **Ва ашгьаду** – на ялагу барашиву дуллай ура (ттуна нава кIулу, щак бакъа мукIруну, дакI дарцIуну вихну, щилчIав гуж къабувну).

Анна МухIаммада – мяйжаннугу МухIаммад (цал пугу ивкIсса Аьбуллагь, нину Аминат, цувагу увксса Кьурайштуралагьулданува, ХIашимлул тухумрава, цугу увсса Маккалий, увччунугу усса Мадиналий).

Р-Расулуллагь – Аллагьнал гьан увма (Аллагьнал гьан увсса инсантурачIан лахъхьин дан миннан хIакьмур хIакьсса диндалия). Укун Шагьадат дакIнихтуну дурккुकун, чапурчувная шайссар бусурманчув.

Тавба

Шагьадат дурккуну махъ дувайссар тавба, КIанакъ багьшла бува тIий инава бувсса бунагьру ва нийят дуллай ххисшала бунагьру къабансса.

Яла кутану дайсса тавбалий учайссар:

«Астагьфируллагь» – ялтту учу ина, Аллагь.

Бусурманнал дин

Чак

Чак баврил низам ТIайлану бувсса ва цила чIумал бувсса чак – Аллагьнан яла ххирамур аьмалли. Чак бан байбихьлахьини ва чак буллалини чара бакъа дуруччин аьркинссар дагьайсса низам.

1. Ивссуну икIан аьркинссар – щаллуну ивссуну ва чIиримур иссаву дурну.

2. Чурх, чурххайсса янна, чак буллалисса кIану бикIан аьркинссар нажасрая марцIну.

Нажасран ккаллиссар оьт, кIуцалу ва цаймигу аьвратрава дуклакимур (мани личIаннин) – лал, оь, кIарчIанну, нажасри хIан аьракь, дикI дукан къабучисса хIайвандалул, накI, цукунсса дунугу дикI, дунгъуз, ккачи ва чапурну бивкIусса хIайван м. ц.

3. Аьврат кIучI дан аьркинссар. Арантуннал аьврат – никирттаюту цIумуйн дияннин. Хъаннил – щалва чурх, лажин ва бартка личIаннин.

4. Чак байссар цила ккаккан дурсса чIун дургьуну (кIюрххицIун – 2 ракааьт, ахттайх – 4, ахттакьун – 4, маркIачIан – 3, хьатIан – 4).

5. Чак байссар Кьиблалул чулухунмай бурувгун.

Щаллуну иссаву

Хъунмур, ягу щаллуну иссаву (гьуслу) – му чурх аьдатрай шюшавур.

Чурх шюшайссар:

1) адимина ва хъамитайпа цачIун хъуну махъ, кьуртал къахьурчагу, гьассар чIирийсса дайдишавугу;

2) адиминал ва хъамитайпалул аьвратбазулува хьюмушиву дуккарча (семязвержение). Личишиву дакъассар чув, та, цукун, щилчIав ва цукунсса сант дагьну хьуссарив;

3) хъами чурххал шаврия марцI бувккуну махъ;

4) хъаннил оьрчI буну ягу оьрчI ливну, марцI бувккуну махъ.

Щаллуну иссаврил буржру

Щаллуну иссаву (гьуслу) тIайласса хъуншиврул аьркинссар:

1. Ислан айивхьуни бакIрайн щин рутIлатIисса чIумал дайссар дакIнихтуну (фариза) ва мазрайну (суннат) нийят: «На нийят дуллай ура фаризасса щаллусса иссаву дан Хъунасса Заннайн, Аллагь акбар».

2. Щинай шюшайсса щала чурх кIунтI къабивсса кIану къаькIавитун.

Щиндияндайссар гьарца базурдайн. ЧIарарду шюшайссар чIануйн дияннин, михьирттал лувалу так атил баву къагьассар, шюшин аьркинссар.

ЧIиримур иссаву

Чак баннин хьхьичI дайссар чIиримур иссаву, хьхьичI дурмур иссаву зия хъуну духьурча. ЧIиримур иссаву даннин хьхьичI:

1. Шюшайссар барт кару, вилагайссар къацI, май;

2. Лажин шюшаврищал аьрхIал дайссар иссаву дансса нийят: «На нийят дуллай ура фаризасса чаклин иссаву дан, Хъунасса Заннайн, Аллагь акбар».

3. Лажин шюшайссар;

4. КIирагу ка шюшайссар ссюрхьру хIалану;

5. МасхIу байссар – атилсса кару бакIрайх дурккун;

6. КIивагу ччан шюшайссар кьюр-щулттив хIалану;

7. Дуруччайссар иссаврил низам.

Ислай айивхьукун хъинссар учирча **«Аоьзубиллагь миная щайтIани ражим. Бисмиллагь ррахIмани ррахIим»**. Гьарца шюшлашисса базу шюшайссар шан-шамила, дуссар дуккайсса дуаьрттугу. Бучиссар мий къадурккуну так **«Бисмиллагь ррахIмани ррахIим. Аллагь акбар»** учирчагу. Ислай айивхьуни «шагьадат» дуккавугу гьассар.

ХIАМИС

Та дуняллий гьарма икIантIиссар ва дуняллий цанма ххираминнащал

ка щурча чIарардайн, михьирттайн ягу ккарччайн;

5. дянив цичIав дакъа, витIанхьру ягу вив кIисри аьврат базурдайн щурча, вилламиннуйн ягу цайминналссаннуйн.

Ялагу, иссаву (щаллумур ягу чIиримур) тIайлану даврин ккаллиссар, агарда:

1. Исласисса щин духьурча марцIсса (щаращул, неххал, хьхьирил, тIабиаьтрал).

2. Щин диян аьркинссар цинявпагу шюшлашисса базурдайн.

3. Нажас дикIан къабучиссар



Иссаву

зия шаврия

Иссаву (вузуй) зия шайссар:

1. Аьврат-базурдава ци дунугу дуккарча: оьт, кIуцалу, ссихI ва м. ц.;

2. Шанан икIарча, амма иссаву зия къашайссар, агарда инсан щяивкIун унува шанан икIарча, махъа ссихI къабуккансса куцуй;

3. Инсан цаятува цува гьарча;

4. Дянив цичIав дакъа, адиминалгу щарссанилу чурххал базурду куннин ку щурча, агарда, шариаьтрайн буну, миннан ташу бан бучину бухьурча. Ва ишираву, иссаву зия къашайссар

чурххай, шюшлашисса базурдай. ДикIан къабучиссар ци-дунугу даххана дайсса щинал ранг, къанкь ягу тIин.

4. Шюшлашисса базурдай дикIан къабучиссар, чIирисса дунугу, ци-дунугу щин къадуххайсса (сир, лак, сина, шириш, м. ц.).

5. Къашавайсса, сакъатсса, ссихI, хъунмур ягу чIивимур кIуцалу бугьан къашайсса инсантуран бучиссар иссаву (чIиримур) дак чак баврил чIун дуркIукун. Яламиннан хъинссар бивссунма бухьурча (суннатри).

(Гихунмайгу буссар)

Таржума КАЛЛАЕВА Гьумаюннул

ДИНДАМУЛ ХУЛЛИХ

Патимат РАМАЗАНОВА

Мухаммад Идавс ивкисса чумал къабивкун бур хладисру цачлун бавтуну, къабивкун бур цавагу лу Исламраятусса. Къабивкун бур мукума исламрал элму лахъхъин дуллалисса мадрасартту, институту. Цачлун бавтун ца лу буну къабивкун бур Мубараксса Къуръан – Аллагу Тааьланал Мухаммад Идавсин ссайгъатну буллусса яла хъунмур ва абадлиймур хикматшиву.

Хлакьину щалла дуняллий чявусса бур исламрал клушвиуртту лахъхъин дуллалисса мадрасартту, институту. Махлакчалалив, ххюлчинмур поселокрай (Добролюбовул цанийсса кичиравалу, 16) бур Къуръан лахъхъин буллалисса центр. Мунийн исламрал университетрал филиалгу учай. Му мадрасалий каялушиву дуллай ур Ккуллал шяраватусса Исмаиллул арс Къурбанов Сиражуттин. Сиражуттинул цалагу къуртал буну бур педагогикалул университетгу, Дагъусттаннал исламрал университетгу. Зий ивкун ур муххал ххуллул вокзалданийсса мизитрал имамну. Мадрасалий зузисса муаьллимталгу лак бур. Миннавух бур Сиражуттинул кулпат Загъидатгу (ванил мархри Гергебильлал райондалиятусса бур). Амма ва так ярусаннал миллатрал душ бур куну къабитангу къахъунсар. Ва бур лакку душгу. Ваниву цаькъ хъанай дунутий лакрал миллатрахсса ччавугу.

Сиражуттин ва Загъидат жул суаллахъхъун жавабру дуллай, балжийну буслай бур цивпа зузисса мадрасалия, исламрачлансса цала-цаламур ххуллия, цивпа цаннайн – ца бакрайн багъаврия, аьраб маз хъхъичуншиврия ва оьрмулул иширттая.

Сиражуттин: – Жул кулпат Ккуллал шярава Къизилюртлив бивзуна. Нину Марзият гийх цигьурну зий буссар, ппу Исмаил – полиграфмашрай. Ниттил чак байссар. Къизилюртлив на аьраб маз лахъхъин мадрасалийн занай ивкиссара. Аьраб маз лахълан иклайху, ислам лахълан гъира багуна. Ялу-ялун исламрал клушвиуртту куртгу, цаькьгу дуллан ччисса шавкъ дурххуна. Мадрасалувун 14 шин хъусса оьрчру къамул байссар, ччимур чумалли къамулгу байсса. Хлакьину дуклай уссар 46 оьрч, миннавату чявуми лаكري. Жу оьрчлан лахъхъин буллай буру аьраб маз, диндалул гъанурду, исламрал юриспруденция, Къуръандалул сурардал, аятирттал мяьнарду, хладисру. Дарсру диклайссар гъантлун шанна ссятрайсса. Школардай дарсирдая къуртал хъуну мукъах бучай жучлан оьрчру.

Загъидат: – Ттулмур исламравунсса ххуллугу хаварбакъулийсса кунма хъуна. Ца кьини, цакуну лархссар хиджаб. Му чумал на юридический институтраву дуклай буссияв. Хиджабгу ларххуну хъирирв кьинива лавгра «Муслима» тисса бусурман хъаннил ккуран дусса къатрачлан. Гивун бухан къасислай аьгу-аьтий хъулх бавцуну бивкйра. Гива бувккун нанисса хъамитайпалул

Ислам – му хъинну куртисса элмур



Ас-Салам-фото

цувххунни, циван аьтий бура куну. «Тивун буххан ччай бура» учав. Буххан бунна. Исламрал элму лахълан занан бивкйра нава цана дарсру дихълахъисса мадрасалувун. Мува мадрасалуву уссия Сиражуттингу, амма жу цаннан – ца къаклулссияв таклу-маклуйнин, цара-ца зданиялуву бунугу. Сиражуттинул кулпатрал на дакй тиртуну, ххуйну къамул буннав. Ванал нину-ппу, уссурвал ххаллилсса инсантал бур. Бунияттунгу, нитти-буттал на ца душ кунма къамул бунна, уссурвалгу ца ссуйщал кунма биклай.

Гъаннайсса, нава Сиражуттин цачлун буну исламрал. Ванаву хъунмасса гъира бур лакрал оьрчлан ислам лахъхъин дул-

оьрчлан исламрал дин лахъхъин дуллан бухъхъияра тий.

Загъидат: – Ттун мудангу асар хъанан диклай ласнал миллатрайсса дакйцуцаву. Лак – дурккусса, аькьлу бусса халкъ бур. Дурккусса инсантал исламраву – ца ххуйрихха! На хъуссара Кумав, Кундид, Бархъарав, Гъумук. Ххаллилсса инсантал бур клай шяраваллаву. Гъумуксса мизитрал чирттайх ках тий вих бакъа бивкйра, лажиннична нава асхлабтурал ка щусса, ша бивзсса клантурдайрав бусса тий. Коммунист заманнай лак диндалия арх буцан къабувссания цукун ххуйсса оьрму бикланссия миннал хлакьину! Лакрал аькьлулул, культуралул потенциал гужсса бур. На мудангу учара,

Ислам – му хъинну куртисса ва щаллагу дуняллий хъанахъисса ишру бувчйин буллалисса, аькьлу бусса инсаннал дакйиву хласул хъанахъисса цинявппа суллан аьщуйн щусса жавабру дусса элмур. Куртисса динийсса клушвиуртту ласаврия хайр бакъа зарал къахъунсар.

лан. Ва цала миллат хъинну ххирасса инсан ур. Ттунгу ванан кумаг буллан ччай бур. На дишара исламрал ва диндалул гъанурдал дарсру. Душру чансса бур.

Муххал ххуллул вакзалданийсса мадрасалувумур группагу къаьабитав, ножмардий кийла лагара дарсру дишин, личи-личисса миллатирттал 20 душ буссар. Жул мадраса къуртал бувсса душ-ваврава урчуннил исламрал образованье язи дургъунни мадраса къуртал байху, кйива душ – Теологиялул институтравун бувхссар, шанма – Дагъусттаннал исламрал институтравун.

Му бакъассагу, бигъалагай кьини жу лагару Цусса Чуртащиял шяравун, гийхгу гъира бунан, лахъхъин ччинан ислам лахъхъин дуллан. Буну къуртал бан бувар гийхсса мизит, ислам лахълан клунку тлутисса чансса бакъар. Жу гийх дурссия мавлидгу, чявусса хъами бавтлуна, чявуя жагьилталгу.

Сиражуттин: – Жучлан мадрасалувун заназисса лакку оьрчаву ислам лахъхъин гъира буссагу бур, бакъассагу бур. Гъира бакъами хъунмурчйин нитти-буттахъал тлавашинна бардигъин заназисса бур. Мьяжанссар, исламрал тема клулсса чансса бур. Цайми миллатирттал ва иширах къулагъас ххисшала дур. На лакрахъ мудангу тлун икйара, зула

лак-клушвиурттал мяьдан бур, куну. Ми клулшвиурттугу, багъу-бизугу, оьрмугу исламрацун цаькьну бавхлуссания цукун ххуйсса иш къабикланссия тлун бикйара. Итхъяхъсса, гъунар бусса оьрчлан аьраб маз лахъхъингу личину захимат къашайха.

Сиражуттин: – Бунияттунгу, аьраб мазрал мархри куртйну цаькъ хъуну бивкйссар Дагъусттаннай: юриспруденция, медицина, математика, астрономия, хласил, циняв элмурду лахълай бивкйссар аьраб мазрай. Чявусса бивкйссар ххуйну аьраб маз клулсса. Аьраб маз лавхъхъусса инсаннаща бюхъантйи бур тлайлану ккалан Къуръандалул лу, мукума жула хъхъичлавасса алимтурал канилчичрурду ккалан, исламрал элму лахълан первоисточникирттая, яьни аьраб мазрайсса луттирдая.

Исламрал агъамми клулшвиуртту аьч дурну дур, мукума элмулул хъхъичлуншивирттая чивчуну бур аьраб мазрай. Хлакьинусса кьинигу франциянал хлукумат аьраб мазгу, аьрабнал культурагу школардай лахълан аьркиншиврул пропаганда дачин дурну бур.

Ислам – му хъинну куртисса ва щаллагу дуняллий хъанахъисса ишру бувчйин буллалисса, аькьлу бусса инсаннал дакйиву хласул хъанахъисса цинявппа суллан аьщуйн щусса жавабру дусса

ХИЯМИС

Зуватусса ххуйма Къуръан лахълахъимари ва му цайминнангу лахъхъин буллалимари

элмур. Куртисса динийсса клулшвиуртту ласаврия хайр бакъа зарал къахъунсар. Къатлаллил билаятирттай хлакьину бусурман бакъамигума исламгу къамул дурну, лахълай бур ислам диндалул элму. Цаппарава бусурманнаннив диндалул элмулул азбукавугу лахъхъин ччай бакъар.

Загъидат: – Сиражуттинул тлутимур исват бан хъунсар хасну жула кулпатравасса мисал бувцуну.

Ттун 15 шин хъусса чумал нину ахиратрахъхъун лавгуна. Жу, шанмагу душ хъуннабавал тарбия бувссару. Ппу Аьрасатнаву яхъанай уссия. Жу хъуни шайху, буттал баян бунна цала царссанищал (мунал украинка бувцуссия) Дагъусттаннайн учлан дакйий ушиву, жугу ганищал клул бан. Столгу къур буну ялугълай буру ми бучлансса кьини. Бувххунни ттул оьрмулувусса хиджабравусса душ. Иширах бургарча Оксанал (утти Айшал) Интернетраву исламрал сайтрайн бувккун ислам ххуй дирзуну, къамул дурну дия.

Курскаллал областьрайсса Плавск тисса шяраву яхъанай буссар, даврийнгу хиджабраву лагайссар. Нинугу, аьлабиву, дин-чак дусса дакъая. Буттангу чак бан лахъхъин буну бия гъамин украин душнил, Айшал. Жул агълулий хъхъичлава диндалул аьдатру личину хъхъичлунну къадиклайва, утти царагу зума, чак лях гъан битаву дакъассар. Ссурвалгу исламрал ххуллий лавгунни, Аьбидат – исламрал лаххиялул дизайнерди, исламрал университетрал ательейлий зий буссар, Фатима тимур ссийлгу исламрал университет къуртал бунни, му экономист – программистри. Миннул ласру ярусаннал бур, ца на бура лаккучунван хъуну. Вагу ттунна оьрмулул бахшишири тий бура, ислам барачат хъусса. Сиражуттин кунасса чувнал хъаралу яхъанахъаву – му ттул талихгур, тлайлабацлугур. Ванал ниттил ппу Хласанов Саид цаькъсса коммунист-я, СССР-данул Верховный Советрал депутатнугу увчуну ивкйссар, махъ нанисса сий дусса инсан ивкйссар. Цува ахиратрахъхъун нанисса, хлалатраву Сиражуттин ялун уххайху мунал шагъадат руртуна. Ттун клулли Сиражуттин занакъулу хъанахъисса куц члалай тамансса инсантал чантй увкуну исламрал элму лахъхъаврих хъинчулий буруглай бушиву. Цачлава Къуръан лахълахъисса оьрчру ххуйсса клулшвиурттащал мадрасалува гъаншиврул му уххаву къаклулну зун хладурну ур, зийгу ур. Нарив так мунал кумагрича. Жул ур кйира шин ва дачи хъусса оьрчй кьурбан. Муан Сиражуттиннул цала буттал буттал ца дирзунни. Ттулмур цаьгу Заирая, Сиражуттинул даххана дурну Загъидат дирзуссар.

Сиражуттин: – Мьялчинмур ттуршукулуву Дагъусттаннайн аьраб бувкйсса чумал, Гъумук байбихъуну бур бусурман дин цаькъ дуллайгу. Лакрал миллат аькьлу бусса, гъар ишираву итхъяхъсса бур тлун биклай. Бур лакраву ислам бюхттулсса дин душиву бувчуссагу. Так мукумни чансса бур.

ИСЛАМ ВА МЯЪРИПАТ

Патимат ХАМЗАТОВА

Дайдихь хьхьичми номердай

Михьлишали

Ляличийсса дарман

Африканал ухсавний, магъриблия машрикьлийн бияннин, щалва билаятрайх индиянавун бияннин ххяхлай бусса бур вахшийсса лахь бакъасса михьлишали дуккайсса тланнул къатри. Миннул, хъатуксса чапавгу бусса къатрай шайссар хъинну тлаансса къанкъ дусса тлутив. Къункъайну клулшайссар арх бакъа бушиву михьлишалттул мурхьру. Тлутив диклайссар хъунклүл тлүтлал рангсса ягу къяласса, жула явщүл тлүтлал кацл кунна ялүв дартлүсса. Яла гужмур, яла аьнтмур михьлишали шайсса дур дахьа тивтлүсса мюрщисса чапая. Му михьлишали аьркин дайссар яннарду ранг шайсса рангру дан. Миннуя дайссар мегьендигу. Яламий чапая дайссар чларардай дишайсса михьлишали. Къатлүл къяртрая дайссар ранг дакъасса михьлишали, тлүтлал дуккайссар аьтри (духи) дувайсса нагь. Михьлишалттул мурхьирая байссар чявусса даруртту.

Михьлишали – му ляличийсса, аьламатса дарманни. Михьлишалттул мурхьру шайсса клантурдай, михьлишали хъаннил аьркин дайссар карунний, ччаннай, чурхай дихьлай, минну чюлу дайссар жалиндалул лажингума. Михьлишалттуя байссар чявусса даруртту. Хьхьичлава, цана кунмасса даруртту бакъасса чумал, михьлишали дишайсса диркүн дур цалацисса щавуй,

«Аллагънайн мукІрумур ягу Иблислуйн мютІимур?»



Ac-Sanam-photo

Михьлишали дишаву

Индиянаву, Египетнаву, Вавилоннай му -дангу хъаннил аьркин дайсса диркІссар михьлишали. Ттизаманнул краскардал бакІ цүцлү буллай бур, члара къатІ хъанай дур, члара кюла дуклай дур. Химиялүл рангирдал бувсса зарал цүница тйала буллан багълай бур.

Цал бусанну, михьлишали сацал къадакъайсарив.

1. Урттуя дурсса рангру къадакъайссар химиялий дурсса рангирдацал. Агарда зул чларарду химиялийну ранг дурну диркІхьурча, михьлишали дирхьуну къахьинссар – цукунсса ранг хъунтІссарив къакІлүлссар.

2. Агарда зула чларарду химиялийну хьюрүх бичин бувну дурхьурча, му чумалгу михьлишали къадишайссар. Михьлишали дирхьусса чларардугу химиялийну хьюрүх бичин дан къабучІссар.

3. Агарда зул чларарду хъинну чаннасса дурхьурча, михьлишалттул мий ятлүл дантІссар.

4. Михьлишали чларардая лиххан дан къашайссар. Чларардал ранг даххана дан чай бухьурча, ссавур дан аьркинссар михьлишали дусса чларарду хъуни хъуннин, яла мий чларарду дурккун, бучІссар винна ччимур химия дан.

5. Кйала хьусса бакІрай михьлишали диширча, чларарал ранг къурул рангираха лашайссар.

Михьлишали бакІрай дишиншиврул зун аьркин хъунтІссар: 1-2-3 михьлишалттул пакет, лажинлихь, хъун бакъасса кичлү, аьркин дансса щетка, резиндалул катри, памма, крем, бакІрайх лаххансса пакет.

Михьлишали дичара кичлүлувун, кйирицин дуртлуну, гайннуя хьому дакъасса ккурч кунна хъун дувара. Михьлишали хлала дуллаллини, къурхьру хъун мадитари. Ранг цакъсса ххуйсса хъуншиврул бучІссар рутин оливалул нагь, михьлишалттул нагь ягу хьахьилул ккунук. Янналий хьусса михьлишалттул ттангъа лиххан дан къашайссар, мунийн бувну ци-дунугу духсса зад лаххан бучІссар хьачлунттайн, нентта бакІрайх дуккйара крем.

Ранг баннин хьхьичл чларарду шюршуну къакъан дайссар, михьлишали дихьлай байбишайссар къинттуллуя, цан чирча, къинттулун температура яларайссар, бакІ къа-

къангу хлал шайссар, яла щалла бакІрай дишайссар.

Михьлишали дирхьуну махь, ранг цакуну циярда чларардайн дияншиврул, бакІрайх чяруну дуккйара ттарал. Лахьисса чларардугу ранг хъунсса куццуй зеххияра ттаралунних. Яла бакІрайх лаххияра кюласса пакет.

Михьлишали цуксса хлаллай бакІрай дитан аьркинссар учирча, му масаьла гьарцаннал личи-личинну ххал бигъайссар. Учинну – чаннасса чларардан 5-10 минутгу гьассар, цансса чларардан – 3-40 минут, лухисса чларардан – 1 ссят – я ссятва дачли.

Чларардал ранг ларсхьунссар тІсса чумал, чларарду шюшайссар михьлишалттул ранг гьаннин, ци ранг хьуссаривгу клүл шайсар ца-кйива гьантлува, яла-яла чларардайн баргь щуну махь.

Ранг ххуйсса хъуншиврул бучІссар Индиянал хъаннил кунма, михьлишалттувун бичин чяйлул къуса михакІрал, ягу рутин ятлүл члїкІлүнтлалул щин. Ялагу хлала дайссар кофе, какао, чимусул ккирттал щин, кйала тлүтлүл щин ва м. ц.

Чларарду ранг дуллаллини бучІссар михьлишалттувух хлала бан басма. Цуппалу басма къабишайссар – ганил цила ранг – щюллисса рангри.

Михьлишалттул ца бутлүцал басмалул бичайссар 2-3 бутлү. Му чумал ххуйсса ранг шайссар, басма хъиннува гьарза барча лухисса ранг шайссар, амма Идавсил хладисирттайн бувну, хъиннура лухисса ранг дурну къахьинссар.

Михьлишали зуруй цал диширча гьассар. Чяруну дихьларча, чларардал цай лагайссар. Зула чларардал ранг цулаган дан чай бухьурча бучІссар бакІ вилаган михьлишалттул щинай.

50 г михьлишалттул дичара 1,25 литра щарацисса щинавун. Дякынгу диртуну, дигъара. Гай щинай бучІссар бакІ вилаган.

Михьлишалттул ранг хъиннура аьнтсса хъуну дурхьурча, ласияра оливалул нагь ва миннуцал аьгьу бара бакІ карунних чларарду дяргълай. Яла шампундалиий шюшара бакІ. Най дунура ранг чан къахьурча, 2-3 шамилла цүница шюшин бучІссар. Нагь гьили дурну хъинссар.

(Гихунмайгу буссар)

Таржума КАЛЛАЕВА Гьумаюннул

ХАМИС

Ххуллийн укканнин ххуллүл гьалмахчуная цлүхха, къатри ласуннин члэххурая цлүхха.

ПОЭЗИЯЛУЛ МУРЦІУ

ДақІ чантІа тІий най дур

Диндалия ятну
Яхъанай буну,
Цимилгу бйакъунна
Ва оьрмулуву.
Рувхланий ххазина
Цириив къакІлүлну,
На яхъанай бивкІра
Бйакъу кьурукьну.
Ттириив исламрал нур
ДақІнвун щуну,
ДақІ чантІа тІий най дур
Цлүлаглайгу дур.
Я Аллагъ, утти на
Хлалал бивтуну,
Къамул да, ттул дуаь
Члалну дунугу.
Ттинин бувт оьрмулүл
Хатиргу бувну,
Цлланаву диркІсса дақІ
Чаннайн дуккан да!

Шуаьнат

ХАЛКЪУННАЛ МЕДИЦИНА

Алоэ – яруннин дарувсса ххяххияр

Набихи Ибн Вахблүл бувсун бур укунсса хавар: «Жу Абан Ибн Османнуцал архну лагайхту, Омар Ибн Убайдуллагьлүл ялунбихьу бувну увкІлүни жучлан ца адамина. Му Убайдуллагьлүл Османнухь цува яру ций кьовурдай ушиву бусан гьан увну ия. Абан Ибн Османнул (цяяту Аллагъ рязину личланнав!) увкунни му адаминахь: Абаннухь алоэ дирхьуну яру бахли уча. Яла бувсунни Аллагьнал Илчлал учайсса бивкІшиву: «Агар адамина яру ций ухьурча, мунал ми алоэлуцал бахлаван аьркинссар».

МуслимлулгубусайссабивкІлун бур мукунмасса маслихлат Абан Ибн Омардул яруннал кьовурдайсса цайми къашайшалтрангу байсса бивкІшиву.



Алоэлул настой

Алоэлул члалпив мюрш бувну хлүвин бувну 1 хъун къуса миннул хладур дувара. Миннуин рутлара 200 мл дякын дурсса щаралархьсса щинал, ряхра ссятрайсса ка къаларну ритира. Яла кисайлувух дигъара. Настой хладурссар. Яру цлүциний, ятлүл лавгний ягу иттав пицлү (ячмень) хъуний алоэлул настойраву атил дурсса аци дишайссар яруннай.

СУАЛУ ВА ЖАВАБРУ

Зул суаллахъхун жавабру дуллаи бур жул аьлимтал

Бучиссарив гъайчалигу ссурсулухун бувтуну занан?

– Агар инсан дакI дарцуну ухурча му гъайчалттул баракатран Аллагу Тааьланал цува уручлай ушиврий, бучиссар гъайчалттушал занан. Гъайчали бучи буллалисса хлуччарду цаймигу чIявур. Миннувасса ца хъанай бур Идавсил ۞ асхлбтурал Идавсил ۞ дуаь чирчуну гъайчалтту бувну, ми цала оьрчал ссурсурдайх лаххайсса бивкIшиву.
Асхлбтуран бучимур жунмагу бучишиву щилчIав инкар къабантиссар.

– Жагьилсса оьрчан щар хъуну личи хъусса душ буцаву бунагьсарив?

– Микку цукунчIавсса бунагь бакъассар.

– КIулсса зат бур Исламрал наркотикру ишла буллалаврин къадагъа душиву. Ттул чIивимур ссу бур мудан ттушал бьст буллаи, ислам пивгу, цIакъгу хъанакъисса ппурттуву халкъуннан наркотикерттал хавар къабивкIссар, та заманайва исламрал цукунни наркотикерттайн къадагъа дирхъуссагу тий. Ялагу ссу бур хIанттил ва къалияндаул инсантурал цIуллу-сагъшиврун зарал бушивугу яла, махъатур мьйжан бувсса, цIубутIуй миннуя зарал бушиву къакулну бивкIссар тий. На ганин бувчин буллаи буре Аллагу Тааьланан мукун заралсса затру дуккантIшиву кIулну бивкIшиву ччянива, ссу бур вих къахъанай. На мунин цукун бувчин бувави?

– Шариатрал законнаву дуссар затру куннича ку дирхъуну, цалащаву ххал дигъаврил къанунгу. Къуръандалул бур аят: «Мьйжаннугу хIан, палочкардай бувчIаву, муку-тукунсса тIуркIурду (азартные игры) – ми цимурца цIайтIаннул амаллур. Зу миннуяту арх буцияра». Ялагу бур хIадис, Идавсил ۞ цимурца бувччу буваймур ва аькълу-кIулши оьлукъин даймур ишла дан къадагъа диркIшиву бусласисса.
«Опьяняющее и помутняющее разум» тий бур му хIадисраву. Наркотикругу инсаннал ня зия дуллалисса, аькълу-кIулшилул къуркъа уллалисса зиянни.

Наркотикру бувксса къинилия шихунмай аьлимтал цалин бувкIуну исват буллаи бур наркотикерттал хIарамшиву. Му пикрилуцун къааькълакисса акъар. Амма цаппара инсантал биклай, Къуръандалийния пиво хIачIлан, къалиян тIун, наркотикру ишла буллан къабучиссар тий бакъар тий. Миннан ччай бур бакIрая магърайн бияннин къабучимунил сияхI дуну Къуръандалий.

Къуръандалий Аллагу Тааьланал гъанулун ласласиссар чIявусса цайми затурдийнгу дагълагъисса аьмсса принцип.

– Ттула кIулшивурттайн бувну, на зияратирттай дуаь къадувара, махъминнахъгу мадувару тIун бикIара. На тIайлассарав?

– Цалчин, ина къатIайлассара вила кIулшивурттайн чул бищавриву, вил кIулшивуртту тIайласса дакъанутIий. КIилчингу, къатIайлара винма къакулмур цайминнангу лахъхьин буллалаву. Хъунасса Аллагънал ккаккан бувссар дуаь дайсса ва дуаьрдахъхун жавабру дулайсса кIанттурду. Мукунсса кIанттурдур мубараксса кIанттурдайн зияратрай лагаву, ххуйсса инсантурал гъаттардийн бияву. Дувайссар зияратирттай дуаьрду, дурнугу хъинссар.

Идавсия ۞ махъ хIакъинусса къининийн цIу-цIусса затру дуклай духурча, ми затурдия та заманул шариатрал луттирдай чивчуну бакъанугу, аьлимтурал цIакълин дугълагъиссар цалащан даврил къайда. Масалдаран, хIанттия гъалгъа тIиний Къуръандалий бур Хамр тIисса махъ. Хамр тIисса мукъул мяъналувун дагълагъиссар къюмайтIутIуя дуваймур. ХъхьичIава му ишла дуллаи бивкIссар бувччу хъншиврул, мунияту къадагъа диркIссар. Уттирив дурккунни пиво, аьракъи, коньяк. Къуръандалийния коньяк къабучи дуллаи бакъар тий гъалгъа тIурча жува, мукунсса гъалгъарду къатIайлассар. Хамр къабучи дуллалиссар инсан увччу уллай унутIий, му цала аькълулий цува къаикIайнутIий. Мунияту хIарамссар цимурца инсан увччу уллалимур, му аькълулия гъан уллалимур.

– Бучиссарив хъаннин хIажак лахлан?

– Хъаннил янна дикан аьркин-ссар шариатрал тIалав дуллалисса куццуйсса: чурх къачIалачисса, чурх ххал къалип чIалачи къадуллалисса, чурххачIун къаларчIусса. Янна дикан аьркинссар мукунна бартка ва лажин личIаннин щалва чурх кIучI буллалисса. КIай ялув чивчумур къабурувччусса янна лаххан къабучиссар. Арамтуннал журалийсса хIажакру лахлан хъаннин къабучиссар.

– Бучиссарив лаччи ягу чимус бувкуну махъ мизитравун буххан?

– ЧIявусса хIадисру бур МухIаммад Идавсил ۞ къадагъа дихълахъисса, лаччул ягу чимусул къункъащал мизитравун уххан къабучиссар тIисса.

«Цуманал бувкурив лаччи, чимус, ягу вахIшийсса чимус, магъан шарача мизитрачIан. хIакъну, малаиктурангу къаччиссар Адамлул оьрчан къаччимур».

Лаччул, чимусул къункъащал чIявусса инсантал бавтIсса кIанай ацIавугу къаххуй-ссар.

ДУАЬ

БивкIуллул мусий-батрачIа уча ва:

Инна лиллагъи ва инна илайгъа ражиюьна, Аллагуьммажурний фий мусийбатий вахлифлий хайран мингъа.

Жаназалушчал наниманал тIунссар ва:

АьлхIамдулилагъил ла ябкъа илла важгъугу вала ядуму илла мул кугъу ашгъаду ан лаилагъа илла лагъу вахIдагъу ла шарийка лагъу вахIдан ахIадан, ссамадан, фардан, витран ламяттахиз ссахIибатан вала валадан ламъалид, валам юлая, валам якун лагъу купуван ахIадан.

Жаназа ялун дирукун уча ва:

СубхIанал маликил хIайил лазий ла ямуту абадан.



Рузнама

АПРЕЛЬ

Дни	Утренний. Ас-СубхI	Восход	Обеденный. Аз-Зугър	Послеобеденный. Аль-Паср	Вечерний. Аль-Магъриб	Ночной. Аль-ГIишар
1	3.50	5.29	12.00	15.27	18.18	19.44
2	3.48	5.27	12.00	15.27	18.19	19.46
4	3.44	5.23	12.00	15.28	18.21	19.49
6	3.40	5.19	12.00	15.29	18.23	19.52
8	3.36	5.16	12.00	15.30	18.26	19.55
10	3.32	5.12	12.00	15.31	18.28	19.57
12	3.28	5.09	12.00	15.32	18.31	20.00
14	3.22	5.05	12.00	15.33	18.34	20.04
16	3.18	5.01	12.00	15.33	18.36	20.07
18	3.13	4.58	12.00	15.34	18.38	20.10
20	3.10	4.56	12.00	15.35	18.40	20.13
22	3.05	4.53	12.00	15.35	18.42	20.15
24	3.01	4.50	12.00	15.36	18.44	20.19
26	2.57	4.49	12.00	15.38	18.47	20.23
28	2.52	4.44	12.00	15.38	18.49	20.26
30	2.49	4.42	12.00	15.39	18.51	20.29

Учредитель

Благотворительный фонд «Путь».
Газета печатается по согласованию и одобрению Духовного управления мусульман Дагестана

Редакционный совет

Председатель редакционного совета муфтий РД
Ахмад-хаджи АБДУЛАЕВ
заместитель муфтия РД
Махди-хаджи МУТАИЛОВ

Редактор

Самрат ГОРЧАНОВА

Канонический редактор
Сиражуддин КУРБАНОВ

Корреспондент

Гумаюн КАЛЛАЕВА

Корректор

Патимат АХМАДХАНОВА

Менеджер

Мухаммад ХИРИЯСУЛАЕВ

Компьютерная группа

Асият ХАНОВА
Ахмад МАГОМЕДОВ
Гульнара АБДУЛАЕВА

Газета зарегистрирована Управлением Федеральной службы по надзору за соблюдением законодательства в сфере массовых коммуникаций и охране культурного наследия по ЮФО (г. Ростов-на-Дону)

Свидетельство о регистрации

ПИ № ФС 10-6401 от 15 декабря 2006 г.

Индекс 51390

При перепечатке ссылка обязательна.
Набрано и сверстано на компьютерной базе газеты «Ассалам».
Отпечатано в ООО «Дом печати» по адресу: пр-т Акушинского, 20

Заказ № _____

Сдано в печать 20 март 2009 г.

Тираж 1800 экз.

Адрес редакции

367015, РД, г. Махачкала,
пр-т М. Ярагского, 128.

Тел.: (8722) 61-00-64.

По вопросам подписки и доставки обращаться по телефонам:
по Республике Дагестан – 8-988-699-28-24
по г. Махачкале – (8722) 914-222.

E-mail: info@assalam.ru;

www.assalam.ru